

समे .1815

<><><><><><>

Headlines

1. प्रधानमंत्री नरेन्द्र मोदी होरें आखेआ जे ग्रामीणें गी बेहतर ते सम्मान जनक जीवन प्रदान करना उंदी सरकार दी पैहली तरजीह ऐं उनें 6 रोजा ग्रामीण भारत महोत्सव दा भारत मंडपम च उद्घाटन कीता।
2. सीआरएस निरीक्षण थमां पैहले कटरा बनिहाल बश्कार रेल दा सफल ट्रायल रन कीता गेआ।
3. बांडीपोरा च होए दे शिड़क हादसे च जान मुआने आले भारतीय सेना दे कर्मिएं प्रति उपराज्यपाल होरें दुख ते बसोस जाहर कीता।
4. एनआईए नै एलईटी आतंकवादी कन्नै सरबंधी इक मामले च शामिल मुख्य आरोपी दी संपत्ति गी अटैच कीता ऐ।
5. मोसम विभाग नै क लते 6 जनवरी लेई मौसम सरबंधी यैलो अलर्ट जारी कीता ऐ। 6 जनवरी तगर भारी बर्फबारी ते बरखा दी पेशगोई कीती गई ऐ।

<><><><><><>

PM-Gramin Mahotsav(byte)

प्रधानमंत्री नरेन्द्र मोदी होरें ग्राएं गी विकास ते मौके दे जीवंत कट्रे च तब्दील करियै ग्रामीण भारत गी सशक्त बनाने दे सरकार दे नजरियै पर जोर दित्ता ऐ। प्रधानमंत्री होरें दस्सेआ जे 2014 कोला सरकार ग्राएं दे लोकें गी सम्मान जनक जीवन प्रदान करने दी प्राथमिकता दे कन्नै लगातार ग्रामीण भारत दी सेवा करा करदी ऐ। उनें अग्गे आखेआ जे सरकार नै हरेक ग्रां च बुनियादी सहूलतां जकीनी बनाने आस्तै इक मुहिम शुरू कीती ऐ। प्रधानमंत्री होरें 4 शा 9 जनवरी तगर नमीं दिल्ली दे भारत मंडपम च आयोजित कीते जा'रदे ग्रामीण भारत महोत्सव दा उद्घाटन करने दे परैंत सभा गी संबोधत करदे होई एह गल्ल आख्खी। इस महोत्सव दा विषय ऐ "विकसित भारत-2047 आस्तै इक सशक्त ग्रामीण भारत दा निर्माण" ते एहदा आदर्श वाक्य ऐ "गांव बढे तो देश बढे"।

<><><><><><>

Tribal Run USBRL(byte)

भारतीय रेलवे नै उधमपुर-श्रीनगर-बारामुला रेल लिंक दे कटरा बनिहाल सेक्शन पर अज्ज इक सफल ट्रायल रन कीता। इस ट्रायल रन दा सरिस्ता रेलवे सुरक्षा सरबंधी कमीशनर दे ट्रैक दे निरीक्षण कोला पैहले कीता गेआ ऐं इस ट्रायल रन दे राएं भारतीय रेल सेवा कश्मीर घाटी कन्नै अबाधित संपर्क स्थापित करने लेई बड़ी गै कोल पुज्जी गई ऐ। ट्रायल च ट्रैक दी स्थिरतर, सिग्नलिंग सिस्टम ते टनलें समेत बाकी होरने पैहलुएं दा बी जायजा लैता गेआ ऐ। सीआरएस दा खीरी पिरीक्षण 7 ते 8 जनवरी गी होग। साढ़े जिला संवाददाजा कन्नै गल्ल करदे होई चीफ एडमिनस्ट्रेटिव आफिसर यूएसबीआरएल प्रोजेक्ट, संदीव गुप्ता होरें आखेआ

<><><><><><>

PMAY-G Dar

राई—बाई दी पैदावार ते ग्रामीण विकास मंत्री जावेद अहमद डार होरें प्रधानमंत्री आवास योजना—ग्रामीण गी कमजोर तबके दे लोकें लेई इक महत्वपूर्ण स्कीम दस्सेआ। एह्दे तैह्ते कमजोर वर्ग दे लोकें गी घर उपलब्ध करोआए जंदे न। श्रीनगर च इक कार्यशाला च बोलदे होई डार होरें आखेआ जे एह्दा लाह लक्षित सेई ते योग्य लाभार्थिं तगर पुज्जना लोड़चदा। डार होरें प्रोजेक्टें गी समेंसिर पूरा करने, पारदर्शिता ते जवाबदेई बनाई रखने पर जोर पाया। मंत्री होरें अफसरें पर इस गल्ला लेई जोर पाया जे ओह आम लोकें कन्नै संपर्क करन ते बेह्तर प्रशासन लकीनी बनाने लेई लोकें दिएं जायज मंगें ते समस्याएं हल करन।

<><><><><><>

Skina Itoo(byte)

सेह्ते मंत्री सकीना इत्तू होरें जोर देइयै आखेआ ऐ जे सरकार अस्पताल च मरीजें गी दित्ती जाने आली सेह्ते सहूलत च कुसै चाल्ली दी ठिल्ल मट्ठ गी बरदाश्त नेई करोग। श्रीनगर च छाती दी बमारिएं सरबंधी चैस्ट डीजीज अस्पताल दा दौरा लाने मगरा मीडिया कन्नै गल्ल करदे होई उनें आखेआ जे अस्पताल च कुसै चाल्ली दी कोताही गी बरदाश्त नेई कीता जाग। मरीजें ते मैडिकल अगले गी दरपेश मसलें बारे उनें ढांचागत सहूलतें गी बेह्तर करने पर जोर पाया। उनें सेह्ते सरबंधी सहूलतें तगर हर इक दी पुज्ज ते सब्बने लेई बरोबर सहूलतें सरबंधी सरकार दे धेइयै गी फही दोहराया। उनें आखेआ

<><><><><><>

LG-Condolence

उपराज्यपाल मनोज सिनहा होरें बांडीपोरा जिले च पेश आए दे शिड़क हादसे च जान मुआले आले कर्मिएं दे मारे जाने पर दुख ते बसोस जाहर कीता ऐ। अपने सौहगी सनेह च उपराज्यपाल होरें उंदी सेवा ते निष्ठा गी चेता कीता ते घायल दे तौले नरोए होने दी कामना कीती। खराब मौसम च दूर तगर नजरी नेई औने करी गड्डी हेठ खाई च जाई पेई। इस हादसे च त्रै सैनिकें अपनी जान मुआई दित्ती। घायलें गी मकामी लोकें दी मदद कन्नै बाहर कड्डेआ गेआ। भारतीय सेना नै बी सौहगी परोआरें कन्नै हमदर्दी जाहर कीता ऐ।

<><><><><><>

NIA

राष्ट्रीय जांच अजेंसी नै जम्मू कश्मीर च शुक्रवारें इक मामले च आरोपी दी संपत्ति गी अटैच करी दित्ता ऐ। एह् मामला लश्करे तैयबा दे आतंकवादी उजैर खान कन्नै सरबंधत ऐ। राष्ट्रीय जांच अजेंसी नै मोहम्मद अकबर डार दे खलाफ आरोप पत्र दायर कीता हा। आरोपी नै लश्करे तैयबा दे आतंकवादी उजैर खान गी रौहने बौहने, रूट्टी ते खुफिया जानकारी उपलब्ध करोआई। कश्मीर च आतंकवादी नेटवर्क खलाफ अपनी कारवाई तैह्ते एनआईए नै डार दी संपत्ति गी अटैच कीता

ऐ। मोहम्मद अकबर डार गी 20 सितम्बर 2023 गी गिरफ्तार कीता गेआ हा। ओहूदे घरै थमां एके—47 दे 40 रौंद, असला बरूद ते होर दुआ समेयान बरामद कीता गेआ हा।

<><><><><><>

JPDCC(byte)

जम्मू पॉवर डवैलपमेंट कारपोरेशन लिमिटेड दे प्रबंध निदेशक मोहम्मद यासीन चौधरी होरें भारत सरकार पाससेआ प्रधानमंत्री सूर्य घर मुफ्त बिजली योजना दे फायदे पर लोह पांदे होई आखेआ जे इस योजना कन्नै बिजली दा इस्तेमाल करने आले उपभोक्ता हुन बिजली दी पैदावार करियै घर बैठे दे गै कमाई दा साधन पैदा करी सकदे न। चौधरी होरें आखेआ जे सरकार दी इस पैहल कन्नै उपभोक्ता बिजली दे बिलें पर बचत करी सकदे न। उनें आखेआ जे घरें दी छत्तें पर लगने आले सोलर पैनल पर 65 फीसदी सब्सिडी दित्ती जा करदी ऐ। उनें आखेआ तोआई जम्मू दे लाभार्थिणं सोलर पैनल लेई सब्सिडी देने दी सराहना कीती। उंदा आखना ऐ जे सब्सिडी कन्नै सौर ऊर्जा होर मती सुलभ ते किफायती होग

<><><><><><>

J&K Gymnast

जम्मू कश्मीर दी जिमनास्ट वैभवी शर्मा नै सूरत च राष्ट्री रिदमिक जिमनास्टिक प्रतियोगिता च शानदार प्रदर्शन करदे होई जूनियर वर्ग दे व्यक्तिगत मकाबले च दूआ थाहर हासल कीता ऐ। वैभवी दा असरदार प्रदर्शन ओहूदी राष्ट्री उपलब्धिणं च होर बाद्धा करदा ऐ। तोआई जम्मू कश्मीर दी टीम पाससेआ प्रतियोगिता च हिस्सा लै करदी वैभवी नै टीम वर्ग च बी अपने साथिणं प्राची शर्मा, श्रणया ते अनिका कन्नै मिलियै अपनीटीम गी चांदी दा तगमा जिताने च अहम भूमका नभाई।

<><><><><><>

DC Kishtwar Visit

सार्वजनिक सेवाएं च सुधार आन्नने गी दिक्खदे होई किश्तवाड़ दे डिप्टी कमीशनर राजेश कुमार शवन होरें अज्ज तैहसील कार्यालय किश्तवाड़ दा दौरा लाई उत्थें दी कार्य पद्धति ते आधारमूत समस्याएं दा जायजा लैता। अपने दौरे दरान शवन होरें मन्नेआ जे तैहसील आफिस च बेहतर सुविधां होनियां लोड़चदियां न। उनें तैहसील बआफिस दे जीर्णोद्धार लेई दिशा—निर्देश जारी कीते तां जे उत्थें कम्मकाज आस्तै बेहतर वातावरण बनाया जाई सकै। शवन होरें सार्वजनिक शौचालय दी बेह्तरी ते बेहतर साफ सफाई पर बी जोर पाया।

<><><><><><>

सांबा जिले दे इक प्रगतिशील करसान नै गोर्वधन जतन बायोगैस बनाना शुरू कीता ऐ। एह जतन स्वच्छ भारत मिशन ग्रामीण तैह्त्त अमल च आन्नेआ गेआ ऐ। करसान दा गलाना ऐ जे बायोगैस गी अपनाइयौ ओह 35 सौ थमां 4 ज्हार रपे दी बचत करा'रदा ऐ ते कम्मगारें दी मदद बी करा'रदा ऐ। गोर्वधन जतन करयानें दी मदद होआ'रदी ऐ। इस जतन बारे बोलदे होई उनें आखेआ

<><><><><><>

Weather

मौसम विभाग नै जम्मू-कश्मीर च 5 ते 6 जनवरी लेई मौसम सरबंधी येलो-अलर्ट आहली चेतावनी जारी करदे होई आखेआ ऐ जे इस दरान बक्ख-बक्ख थाहें पर भारी बरखा ते बर्फबारी होई सकदी ऐ। आकाशवाणी दे जम्मू संवाददाता मूजब, 4 थ्वां 6 जनवरी तगर जम्मू दे मैदानी इलाके च हल्की थ्वा दरमेयानें दर्जे दी बरखा पेई सकदी ऐ। त जम्मू कश्मीर दी मती सारी थाहरें पर बर्फबारी होई सकदी ऐ। 5 ते 6 जनवरी गी बर्फू दे लास तौदे सनें लास्स पस्सियां पेई सकदियां न जेदे करी ट्रैफिक पर असर पेई सकदा ऐ। तोआई एतिहासिक मुगल शिडक जेडी जम्मू खित्ते दे राजौरी ते पुछ जिले दी कश्मीर घाटी दे शौपियां जिले कन्ने जोडदी ऐ गड्डिएं दी आओ जाई लेई बंद ऐ। आकाशवाणी जम्मू संवाददाता दी रिपोर्ट मूजब शिडक पर तलैट होने करी एह शिडक गड्डिएं दी आओ जाई लेई बंद ऐ।

<><><><><><>

